

法苑珠林卷第四十五

驅五

唐西明寺沙門釋道世撰

納諫篇第四十二

此有二部

述意部

引證部

述意部第一

夫納其理則言語絕乖其趣則諍論興然直
言者德之本納受者行之原所以藉言而德
顯納受而行全譬目短於自見借鏡以觀形
髮拙於自理必假梯以自通故面之所以形
明鏡之力也髮之所以理玄梯之功也行之

所以芳蓋言之益也是故身之將敗必不納
正諫之言命之將終必不可處於良醫也

引證部第二

如雜寶藏經云佛言昔迦尸國王名爲惡受
極作非法苦惱百姓殘賊無道四遠賈客珍
奇勝物皆稅奪羅王取不酬其直由是之故國中
寶物遂至大貴諸人稱傳惡名流布爾時有
鸚鵡王在於林中聞行路人說王之惡即自
思念我雖是鳥尚知其非今當詣彼爲說善
道彼王若聞我語必作是言彼鳥之王猶有

善言柰何人王為彼譏責儻能改修尋即高
飛至王園中廻翔下降在一樹上值王夫人
入園遊觀于時鸚鵡鼓翼嚶鳴而語之言王
今暴虐無道之甚殘害萬民毒及鳥獸舍識
啾啾人畜憤結呼嗟之音周聞天下夫人苛
尅與王無異民之父母豈應如是夫人聞已
瞋恚熾盛此何小鳥罵我溢口遣人伺捕爾
時鸚鵡不驚不畏入捕者手夫人得之即用
與王王語鸚鵡何以罵我鸚鵡答言說王非
法乃欲相益不敢罵王時王問言有何非法

答言有七事非法能危王身問言何等為七
答言一者耽荒女色不敬真正二者嗜酒醉
亂不恤國事三者貪著基博不修禮教四者
遊獵殺生都無慈心五者好出惡言初不善
語六者賦役謫罰倍加常則七者不以義理
劫奪民財有此七事能危王身又有三事俱
第五敗王國王復問言何謂三事答言一者親近
邪佞諂惡之人二者不附賢勝不受善言三
者好伐他國不養人民此三不除傾敗之期
非旦則夕夫為王者率土歸仰王當如橋濟

度萬民王當如秤親疎皆平王當如道不違
聖蹤王者如日普照世間王者如月與物清

涼王如父母恩育慈矜王者如天覆蓋一切
王者如地載養萬物王者如火爲諸萬民燒
除惡患者如水潤澤四方應如過去轉輪
聖王乃以十善道教化衆生王聞其言深自
慙愧鸚鵡之言至誠至欵我爲人王所行無
道請遵其教奉以師禮受修正行爾時國內
風教旣行惡名消滅夫人臣佐皆生忠敬一
切人民無不歡喜爾時鸚鵡者我身是也爾

時迦尸國王惡受者今輔相是也爾時夫人
者今輔相夫人是也

又薩遜尼乾子經云時嚴熾王言大師頗有
衆生聰明大智利根有罪過不答言有何者
是答言大王即是王甚聰明大智利根黠慧
有大威力心羅五不怯弱好喜布施威德具足亦
有罪過王言大師我之罪過云何答言大王
之罪太極暴惡太嚴太忽太一太卒大王當
知若王者性太惡者彼爲一切多人不用多
人不愛多人不喜乃至父母亦不喜見何況

餘人是故大王不應太惡所爲作事當自安詳不應太卒而說偈言
若王行惡行 暝心不見事 動則怖衆生
乃至父母畏 何況餘非親 而當有念愛
大王應當知 智者捨瞋恚

爾時嚴熾王在坐對面聞尼乾子毀訾自身
心生不忍瞋心不喜心生毒害即作是言薩
遮尼乾子汝云何於大衆中說我過患我從
昔來無人敢正看我汝今毀我罪應合死作
是語已告諸臣言汝當捉此斷其命根尼乾

驚怖語言大王汝今莫卒作如是惡我有善
言願王暫時施我無畏聽我所說王言汝何
所說汝當速說尼乾答言大王當知我亦有
罪由太實語不虛語稱事語以我如是大惡
人前可畏人前急性人前無慈悲人前卒作
事人前如是行人前說如是實語大王當知
黠慧之人不應一切時一切處常說實語應
當善觀可與語人不可與語人可語時不可
語時當知實語世人不愛不善讚歎而說偈
言

智者不知時 卒隨意說實 彼人智者訶
何況無智者 智者一切處 亦不皆實語
是實情尸迦 實語入惡道

爾時王聞尼乾子說自身過罪即便開解歸

誠懺悔

四五

四

又大莊嚴論云佛言我昔曾聞有羣老母入
於林中採波羅樹葉賣以自活路由闢邏邏
人稅之時老母不欲令稅而語之言汝能將
我至王邊者稅乃可得若不爾者終不與汝
於是邏人遂共紛紛往至王所王問老母汝

今何故不輸關稅老母白王王頗識彼某比
丘不王言我識是大羅漢又問第二比丘王
復識不王言我識彼亦羅漢又問第三比丘
王復識不王答言識彼亦羅漢老母亢聲而
白王言是三羅漢皆是我子此諸子等受王
供養能使大王受無量福是則名爲與王稅
物云何更欲稅奪於我王聞是已歎未曾有
善哉老母能生聖子我實不知彼羅漢是汝
子者應加供養恭敬於汝老母即說偈言
吾生育三子 勇健超三界 悉皆證羅漢

爲世作福田 王若供養時 獲福當稅物
云何而方欲 稅奪我所有

王聞是偈已身毛皆豎於三寶所生信敬心
流淚而言如此老母宜加供養況稅其物

又舊雜譬喻經卷五云昔有沙門行至他國夜不得入城於外草中坐至夜有閻叉鬼來持之
當噉沙門言汝相離遠矣鬼言何以爲遠沙
門言汝欲害我我當生忉利天上汝當入地
獄是不爲遠耶鬼則致謝作禮而去

又摩鄧女經云時阿難持鉢行乞食已隨水

邊行見一女人在水邊擔水而阿難從女乞
水女即與水女隨阿難視所止處女歸告母
母名摩鄧女便於家委卧而啼母問何爲悲
啼女言母欲嫁我者莫與他人我於水邊見
一沙門從我乞水我問阿誰答字阿難我得
阿難乃可嫁我母不得者我不嫁也母出行
問阿難知阿難承事佛入母已追還告女言
阿難事佛道人不肯爲汝作夫女啼不食母
知盡道請阿難飯女便大喜母語阿難言我
欲爲卿作妻阿難言我持戒不畜妻復言我

女不得卿爲夫者便欲自殺阿難言我師是
佛不與女人交通母入語女具述此意女對
母啼言但爲我閉門無令得出暮自爲夫母
便閉門以蠱道法縛阿難至於晡時母爲女
布席卧處女便大喜遂自莊飾阿難不就母
令中庭地出火牢阿難衣言汝不爲我女作
夫我擲汝火中阿難自鄙爲佛作沙門今反
不能得出佛即持神呪心知阿難故救還佛
所具白前事女見阿難去於家啼哭不止
念阿難女明日自求阿難復見阿難行乞食

隨阿難背後視阿難足視阿難面阿難慙避
女隨不止阿難白佛言摩鄧女今日復隨我
後佛使追呼佛問女云汝追逐阿難何等所
索女言我聞阿難無婦我又無夫欲爲作婦
也佛告女言阿難無髮汝今有髮汝能剃髮
我使阿難爲汝作夫女言能剃經五佛言歸報汝
母剃頭竟來女歸具白母知母言我生汝來
護汝頭髮何爲欲得沙門作婦國中大有豪
富我自嫁汝女言我寧生死爲阿難作婦母
言辱我種母爲下刀剃頭已女還到佛所言

我已剃髮佛言汝愛阿難何等女言我愛阿難眼愛阿難鼻愛阿難口愛阿難耳愛阿難聲愛阿難行步佛言眼中但有淚鼻中但有淚口中但有唾耳中但有垢身中但有屎屎臭處不淨其有夫婦者便有惡露惡露中便生兒子已有兒子便有死亡已有死亡便有哭泣於是身中又有何所益女即思念身中惡露便自正心即得羅漢佛知得道即告女言汝起至阿難所女即慙愧低頭長跪佛前言女實愚癡故逐阿難今我心開如冥中有燈

火如人乘船船壞依岸如盲人得扶如老人持杖今佛與我道令我心開如是諸比丘俱問佛是女人何因得道佛告諸比丘是摩鄧女先世時五百世爲阿難作婦常相愛敬故於我法中得道於今夫妻相見如兄如弟如是佛道何用題五不爲佛說是經諸比丘聞已皆大歡喜

又百緣經云佛在世時舍衛城中有一婆羅門名曰梵摩多聞辯才明解經論四韋陀典無不鑒達其婦生女端正殊妙智慧辯才無

有及者聞諸婆羅門共父論議悉能受持一
言不失如是展轉所聞甚多與耆舊長宿皆
來諮詢無不通達聞世有佛始成正覺教化
衆生諮詢法味尋自莊嚴往詣佛所見佛發

心求索出家佛告善來比丘尼頭髮自落法
服着身成比丘尼精勤修習得阿羅漢果阿
難見已白佛言此須漫比丘尼宿殖何福今
值佛出家得道佛告阿難此賢劫中有佛出
世號曰迦葉入涅槃後於像法中有一比丘
尼心常喜樂說法教化精勤無替因發誓願

使我來世釋迦牟尼佛法之中明解經論發
是願已便取命終生天人中聰明智慧無有
及者今值我出家得道多聞第一比丘聞已
歡喜奉行

又中阿含經云禪以聲爲刺世尊亦說以聲
爲刺所以者何我實如是說禪有刺持戒者
以犯戒爲刺護諸根者以嚴飾身爲刺修習
惡露者以淨相爲刺修習慈心者以恚爲刺
離酒者以飲酒爲刺梵行者以見女色爲刺
入初禪者以聲爲刺入第二禪者以覺觀爲

刺入第三禪者以喜爲刺入第四禪者以入
出息爲刺入空處者以色想爲刺入識處者
以空處想爲刺入無所有處者以識處想爲
刺入無想處者以無所有處想爲刺入想知
滅定者以想知爲刺復有三刺欲刺恚刺愚
釋五
癡刺此三刺者漏盡阿羅訶已斷已知拔絕
根本滅不復生是爲阿羅訶無刺除此刺者是名納諫

網羅線捕諸魚諸小魚見便趣大魚處所爾
時大魚見小魚來便問小魚曰汝等莫離此
間往至他所不爾時小魚便答大魚曰我等
向者已至他所來大魚便勑小魚曰汝等既
至他所不爲羅網取捕耶小魚答大魚曰我
等至彼不爲人所捕然遙見長線尋我後來
大魚便語小魚曰汝等已爲所害所以然者
汝所遙見線尋後來者昔先祖父母等盡爲
莫離此間往他處所備爲惡人所得爾時小

魚盡爲魚師所捕舉着岸上如是小魚大有死者

爲不受語
爲網所害

又僧祇律云佛告諸比丘過去世時有城名波羅柰國名伽尸時有一婆羅門於曠野中造立義井爲放牧行者皆就井飲并及洗浴卷五時日向暮有群野干來趣井飲地殘水有野干主不飲地水便內頭罐中飲水飲已戴罐高舉撲破瓦罐罐口猶貫其項諸野干輩語野干主若濕樹葉可用者常當護之況復此罐利益行人云何打破野干主言我作是樂

但當快心那知他事時有行人語婆羅門汝罐已破復更着之猶如前法爲野干所破乃至十四諸野干輩數數諫之猶不受語時婆羅門便自念言是誰破罐當往伺之正是野干便作是念我福德井而作留難便作木罐堅固難破今頭易入難出持着井邊然捉杖屏處伺之行人飲訖野干主如前入飲飲訖撲地不能令破時婆羅門捉杖打殺空中有天說此偈言

知識慈心語

狼戾不受諫

守頑招此禍

自喪其身命 是故癡野干 遭斯木罐苦

佛告諸比丘爾時野干主者今提婆達多是

時群野干者今諸比丘諫提婆達多者是當
知於過去時已曾不受知識輒語自喪身命
今復不受諸比丘諫當墮惡道長夜受苦頌

曰

智人受諫 愚夫拒違 賈同明鏡 影照瑕疵

見過須改 睞在知機 頌懣固執 困厄何依

審察篇第四十三

此有四部

述意部

審怒部

審過部

審意部第一

審學部

夫聖人利物審境觀心調識情於寶所運假
實於妄誠故審非惠無以窮其實惠非審無
以察其照然則照察之源審定之要故能無
法不緣無境不察然後緣法察境乃知同趣
於玄功交養萬法也

審怒部第二

如僧祇律云佛告諸比丘過去世時有婆羅

門家貧有婦不生兒家有那俱羅蟲便生一

子時婆羅門以無子故養如兒想那俱羅子於婆羅門亦如父想於後婦便有身滿月生子便作是念由那俱羅生吉祥子使我有兒時婆羅門欲出乞食便勑婦言汝若出行當將兒去慎莫留後婦與兒食已便至比舍借確春穀是時小兒有酥酥香時有毒蛇乘香來至張口吐毒欲殺小兒那俱羅蟲便作是念我父出行母亦不在云何毒蛇欲殺我弟便殺毒蛇段爲七分父母知者必當賞我以血塗口當門而住欲令父母見之歡喜時婆

羅門始從外來見婦舍外便瞋恚言我教行時當將兒去何以獨行父欲入門見那俱羅口中有血便作是念我夫婦不在將無殺食我兒徒養此蟲即前打殺既入門內自見已兒陳指而戲復見毒蛇七分在地時婆羅門深自苦責是那俱羅善有人情救我子命我不善觀卒便殺之可痛可憐迷悶躋地空中有天即說偈言

宜審諦觀察 勿行卒威怒 善友恩愛離
枉害傷良善 愉如婆羅門 殺彼那俱羅

又佛說太子沐魄經云佛告諸比丘昔者有王名波羅柰王有太子字名沐魄生無窮極之明端正好潔無有雙比父母奇之供養瞻視須其長大當為立宇結舌不語十有三年澹泊拙朴志若死灰身如枯木耳不聽音目不覩色狀類瘡痘聾盲之人於是父王患而苦之王語夫人當奈之何此子必為他國所笑夫人語王當召相師使相之王即召婆羅門師相之婆羅門言此子非世間人但熒惑耳外為端正內懷不祥宜國剪棄將是不久

不可育養宜當生埋誅而殺之今不除此子恐後無復立子於是夫人即隨王所為王即召國中大臣共議之一臣言但棄於深山之中無人之處一臣言投於深水之中一臣言但隨師所語掘地作深坑而生埋之王即召國中外陣兵二千餘人使掘地作藏給二十歲儲資糧時以太子奴僕珍寶瓔珞盡還太子於是夫人傷絕我獨無相子生薄命乃值此殃事不獲已於是送太子正殿上五百夫人來觀太子見太子端正好潔無有雙比而

言太子何以不語而當生埋五百媒女來觀
太子見太子端正好潔無有雙比而言太子
何以不語而當生埋各爲太子作伎樂太子
默然不觀不聽於是送太子外殿上五百大
臣來觀太子見太子端正好潔馳白大王此
昭五
子非不語之人且見小留語在不久婆羅門
師不可審信王言此是國事非卿所知作藏
已訖來追太子王語其僕使太子乘四望象
車令國中人民使觀太子太子當語若語者
使載來還於是太子乘車在路時國中耆老

大臣宛轉車前太子要當一語若不語者以
車劈我上去諸龍虎憤扶侍使過時數千萬
人皆圍遶於是太子復不得前飛鳥走獸遶
藏三帀復塞藏戶於是太子復不得前便舉
手住而言正欲不語而當生埋正欲發語恐
入地獄所以不語欲令全身避害濟神離苦
所以不語而信欺詐之言謂我聾盲爲實瘡
瘻爾時人民聞太子絕妙之音行者爲止坐
者爲起皆前叩頭願赦我罪其僕聞之歡喜
踊躍馳白大王太子已語上徹蒼天下徹黃

泉飛鳥走獸皆來伏聽於太子前太子以語歡喜踴躍王即與夫入乘四望象車往迎太子太子顧見父王下車避遙四拜而起勞屈大王遠來見迎今父子相生捐棄恩愛已離其義甚乖不可聽觀王語太子不可不可汝爲智者當原不及共還入國舉位與汝我自避退太子答言我前身已爲國王用行漏失五_五國捐王入山求道思惟禪定命終即生兜率天_{十三}上福盡下生人間爲迦夷國王作太子太子自知作佛佛告阿難爾時太子沐魄者我身是也王者悅頭檀是也夫人者摩耶是也母寧能知我苦痛以不我厭畏地獄是以結達是也調達與我世世有怨諸天龍神歡喜舌不語十有三年冀望免出塵埃之外不與踴躍作禮而去

罪會去道以遠高翔遠逝自濟於世世間無常恍惚如夢室家歡娛須臾間耳憂苦延長歡樂暫有王知志固惟聽學道於是太子棄國捐王入山求道思惟禪定命終即生兜率天上福盡下生人間爲迦夷國王作太子太子自知作佛佛告阿難爾時太子沐魄者我身是也王者悅頭檀是也夫人者摩耶是也五僕者闍居輪等是也時婆羅門袒師者調達是也調達與我世世有怨諸天龍神歡喜

審過部第三

如付法藏因緣經云時室羅城中有一商主
爲僧造作般遮千瑟大會有一比丘尼得阿
羅漢觀察衆中誰爲福田又復思惟何者僧
首見諸羅漢及與學人久斷煩惱堪受供養
觀一比丘名阿沙羅未得解脫最居衆首時
比丘尼即往語言大德今者應自莊嚴時此
比丘未達其意便着淨衣剃髮澡浴復於後
時此比丘尼更語嚴飾時阿沙羅極大瞋忿
我隨汝語甚自嚴潔有何醜惡屢出斯言比

丘尼曰大德當知此俗莊嚴非佛法也佛法
莊嚴者謂獲四果奇哉大德甚爲輕劣長者
設會多諸聖賢汝爲僧首未免生死以有漏
心最初受供是故我今欲相覺悟阿沙羅比
丘聞已慘然悲泣自惟老朽何能盡漏比丘
尼言佛法無時豈揀壯老聞此語已因向憂
波迦多所即爲說法成阿羅漢復有一比丘
釋五
性嗜飲食由此貪故不能得道憂波迦多請
令就房以香乳糜而用與之語令待冷然後
可食比丘口吹糜尋冷語尊者言糜已冷矣

尊者告曰此糜雖冷汝欲火熱應以水觀滅汝心大復以空器令吐食出既吐食已還使食之比丘答言涎唾以合云何食耶尊者語言凡一切食與此無異汝不觀察妄生貪著汝今當觀食不淨想即爲說法得羅漢道又百喻經云昔有二毗舍闍鬼共有一篋一杖人聞已即語鬼言汝等小遠我當爲爾平等分之鬼聞其語尋即遠避此人即時抱篋捉杖躡屐而飛二鬼愕然竟無所得人語鬼言爾等所諍我已得去今使爾等更無所諍毗舍闍者渝於衆魔及以外道布施如篋人天能使平時有一人來見之已而問之言此篋杖屐有何奇異汝等共諍瞋忿乃爾二鬼答言我此篋者能出一切衣服飲食床褥卧具

資生之物盡從中出執此杖者怨敵歸伏無敢與諍着此屐者能令人飛行無有罣礙此人聞已即語鬼言汝等小遠我當爲爾平等分之鬼聞其語尋即遠避此人即時抱篋捉杖躡屐而飛二鬼愕然竟無所得人語鬼言爾等所諍我已得去今使爾等更無所諍毗舍闍者渝於衆魔及以外道布施如篋人天五道資用之具皆從中出禪定如杖消伏魔怨煩惱之賊持戒如屐必昇天人諸魔外道諍篋者渝於有漏中強求果報空無所得若

能修行善行及以布施持戒禪定便得離苦
獲得道果

審學部第四

如舊雜譬喻經云昔有二人從師學道俱到
他國路見象跡一人言此是母象懷雌子象
一目盲象上有一婦人懷女兒一人言汝何
以知之答曰以意思知汝若不信前到見之
二人俱及象悉如所言一人自念我與汝俱
從師學我獨不見而汝獨知後還白師師爲
重開乃呼一人問曰何因知此答曰是師常

所教常道者我見象小便地知是雌象見其
右足踐地深知懷雌也見道邊右面草不動
知右目盲見象所止有小便知是女人見右
足踐地深知懷女我以纖密意思惟之耳師
曰夫學當以意思穩審乃達也

又百喻經云譬如有人磨一大石勤加功力
經歷日月作小戲牛用功既重所期甚輕世
間之人亦復如是磨大石者喻於學問精勤
勞苦作小牛者喻於名聞互相是非夫爲學
者研思精微博通多識宜應履行遠求勝果

勿求名譽惰慢貢高增長過患

又智度論云有人一切時見有異事皆審問之後時曠野行道逢羅刹執捉其人其人見捉定死不惑然見羅刹胷白背黑憚問所由

羅刹答言我一生已來不喜見日所以常背

日而行故前白後黑其人解意急掣其手遂

向日走羅刹廻面背日不見其人其人得脫

因說偈言

勤學第一道 勸問第一方 道逢羅刹難

背陰向太陽

頌曰

審察是非清濁難測善觀邪正巧施執則
內忿溫罰外諭何息願澄心府詳審慧力

感應緣略引

博物志驗

抱朴子驗

白澤圖驗

博物志曰小山有夔其形如鼴一足知禮澤
有委蛇狀如轂長如轂見之者霸昔夏禹觀

河見長人魚身出曰吾河精豈河伯也

白澤圖曰廁之精名曰倚衣青衣持白杖知

其名呼之者除不知其名則死又築室三年不居其中有滿財長二尺見人則掩面見之有福又築室三年不居其精名忽長七尺見者有福又築室三年不居其中有小兒長三尺而無髮見人則掩鼻見之有福又火之精名曰必方狀如鳥一足以其名呼之則去又名曰必方狀如鳥一足以其名呼之則去又木之精名彭侯狀如黑狗無尾可烹而食之又千載木其中有蟲名曰賈訛狀如豚有兩頭烹而食之如狗肉味又上有山林下有川泉地理之間生精名曰必方狀如鳥長尾此

五 陰陽變化之所生又玉之精名曰岱委其狀美女衣青衣見之以桃匕刺之而呼其名則得之又金之精名曰倉塘狀如豚居人家使人不宜妻以其名呼之則去又水之精名曰罔象其狀如小兒赤目黑色大耳長爪以索縛之則可得烹之吉又故門之精名曰野狀如侏儒見之則拜以其名呼之宜飲食又故澤之精名曰冕其狀如蛇一身兩頭五彩文以其名呼有使取金銀又故廢丘墓之精名曰無狀如老役夫衣青衣而操杵好春以其

名呼之使人宜禾穀又故道徑之精名曰忌
狀如野人行歌以其名呼之使人不迷又故
車之精名曰寧野狀如轎車見之傷人目以
其名呼之不能傷人目又在道之精名曰作
器狀如丈夫善眩人以其名呼之則去又故
曰之精名曰意狀如豚以其名呼之則去又
故井故淵之精名曰觀狀如美女好吹簫以
其名呼之則去又絕水有金者精名侯伯狀
如人長五尺五絲衣以其名呼之則去又故
臺屋之精名曰兩貴狀如赤狗以其名呼使

人目明又左右有山石水生其澗水出流千
歲不絕其精名曰喜狀如小兒黑色以其名
呼之使取飲食又三軍所戰精名曰賓滿其
狀如人頭無身赤目見人則轉以其名呼之
則去又故水石者精名慶忌狀如人乘車蓋
一日馳千里以其名呼之則可使入水取魚
又立墓之精名曰狼鬼善與人鬪不休為桃
棘矢羽以鴟羽以射之狼鬼化為飄風脫履
捉之不能化也又故市之精名曰問其狀如
國而無手足以其名呼之則去又故室之精

名曰絲龍狀如小兒長一尺四寸衣黑衣赤

持鏡呼之知愧則去也

幘大冠帶劍持戟以其名呼之則去又山之
精名夔狀如鼓一足如行以其名呼之可使
取虎狼豹又故牧孽池之精名曰髡頓狀如

牛無頭見人則逐人以其名呼之則去又夜
見吏者名曰四激以其名呼之則吉山中寅
日有稱虞吏者虎也稱當路居者狼也稱令
長者老狸也卯日稱丈夫者兔也稱東父者

題五

十九

女狀如美女坐道傍告丈夫曰我無父母兄
弟若丈夫取爲妻經年而食人以其名呼之
稱河伯者魚也稱無腸公子者蟹也巳日稱
寡人者社中蛇也稱時君者龜也午日稱三

公者馬也稱三人者老樹也未日稱主人者羊也稱吏者麌也申日稱人君者猴也稱九卿者猿也酉日稱將軍者老雞也稱賊捕者雉也戌日稱人姓字者犬也稱城陽公仲者狐也亥日稱人君者猪也稱婦人者金玉也

子日稱社君者鼠也稱神人者伏翼也丑日

稱書生者牛也知其物則不能爲害又熒惑

火精生朱鳥辰星水精生玄武歲星木精生青龍太白金精生白虎鎮星土精生乘黃抱朴子曰山川石木井竈河池酒皆有精氣入

身之中亦有魂魄況天地爲物物之至大者於理當有神精有神精則賞善而罰惡但其體大綱疎不必機發而響應耳

法苑珠林卷第四十五

音釋

嚙公藍切鳥相命聲 啟牛刀切泉慧陟降切 呕口愁也愚也 味色
也切 吮渠爲切獸似牛者 詘曲勿塘土郎韞音 温